

Umsögn smábátafélagsins Snæfells við reglugerð um hrognkelsaveiðar 2020

2. gr.

Ekki er hægt að fallast á þær breytingar að sækja þurfi um leyfi fyrir 15. febrúar og þá þurfi að vera búið að ákveða upphafsdag veiða. Einkum vegna þess að það eru margir þættir sem ekki liggja fyrir á þeim tíma sem ákveða þarf upphafsdag eins og dagafjöldi, veður og verð o.fl.

3. gr.

Snæfell er mótfallið þeirri breytingu um heimild ráðherra til að fela Fiskistofu að fella úr gildi grásleppuleyfi. Það opnar á þann möguleika að veiðar séu stöðvaðar áður en veiðitímabili er lokið, það verður til þess að það verður algjör óvissa fyrir þá sem stunda veiðar á innanverðum Breiðafirði.

Það hefur ríkt almenn sátt um svæðisskiptingu meðal grásleppumanna, það er því óskiljanlegt hvers vegna það á að fella hana út.

6. gr.

Gjald sem greitt er fyrir veiðieftirlitsmann verður að vera í samræmi við verðmæti þess afla sem landað er hverju sinni.

Meðafli og aflasamsetning báta á svipuðu veiðisvæði getur verið mjög ólíkur og þar af leiðandi er ekki hægt að lesa beint í það hvort eitthvað óeðlilegt sé í gangi.

8. gr.

Snæfell telur að ekki sé ástæða til að stytta þann hámarkstíma sem líður milli vitjana neta úr fjórum sólahringum í þrjá. Það er mjög ólíkt eftir svæðum, veiðitímabili og veiði hversu oft er nauðsynlegt að vitja og er því best að treysta þeim sem stunda veiðarnar að ákveða það.

9. gr.

Ekki er hægt að fallast á þær breytingar að fækka netum um helming eins og kemur fram í reglugerðinni, það mun valda því að menn fara að róa einir sem er hættulegt þar sem enginn er til að bregðast við ef eitthvað kemur fyrir. Það kemur fram í áfangaskýrslunni að með fækkun neta um helming ætti að fjölga veiðidögum um helming, það minnki meðafla og auki veiði en það stenst engan veginn.

Umsögn Snæfells um áfangaskýrslu grásleppuhóps

Hvað varðar áfangaskýrslu grásleppuhóps telur Snæfell það mjög ábótavant að það hafi ekki verið neinn fulltrúi frá LS í hópnum, það sést best á því að margt í skýrslunni er ekki í samræmi við raunveruleikann og illa unnið.